



Cuntegn fecls da lavur „IL VAMPERLIN“

Capetel 1 :	In schabetg nunspitgau	pg. 3 - 8
Capetel 2:	Ni paus ni ruaus	pg. 9 - 11
Capetel 3:	Sgular ed auters arts	pg. 12 - 14
Capetel 4:	Il vamperlin ei sin viadi	pg. 15
Capetel 5:	Prighel	pg. 16 - 18
Capetel 6:	Te da cemélla e liunguriala	pg. 19 - 21
Capetel 7:	Ir cun velo ei scumandau!	pg. 22 - 24
Capetel 8:	Empau ei empau	pg. 25 - 26
Capetel 9:	Ina greva decisiun	pg. 27
Capetel 10:	Sut il cup da veider	pg. 28 - 29
Capetel 11:	Capetel final	pg. 30
	Divers pensums	pg. 31
	La canzun dil Vamperlin	pg. 32
	Giug da repetiziun	pg. 33 - 35
	Pensum da zambergiar	pg. 36 - 37

Ils suandonts exerchezis digitals stattan a vossa disposiziun:

Capetel 1 (pg. 7 – 17):	Plaids „In schabetg nunspitgau“ (lev)
Capetel 1 (pg. 7 – 17):	Plaids „In schabetg nunspitgau“ (grev)
Capetel 2 (pg. 18 – 24):	Plaids 1 „Ni paus ni ruaus“ (lev)
Capetel 2 (pg. 18 – 24):	Plaids 1 „Ni paus ni ruaus“ (grev)
Capetel 2 (pg. 18 – 24):	Plaids 2 „Ni paus ni ruaus“ (lev)
Capetel 2 (pg. 18 – 24):	Plaids 2 „Ni paus ni ruaus“ (grev)
Capetel 3 (pg. 25 - 35):	Sgular ed auters arts (text da largias lev)
Capetel 3 (pg. 25 - 35):	Sgular ed auters arts (text da largias grev)
Capetel 6 (pg. 53 - 58):	Plaids „Te da camélla e liunguriala“
Capetel 7 (pg. 59 - 63):	Ir cun velo ei scumandau (quiz)
Capetel 7 (pg. 59 - 63):	Plaids „Ir cun velo ei scumandau“
Capetel 8 (pg. 64 - 73):	Plaids „Empau ei empau“
Capetel 10 (pg. 87 - 97):	Plaids „Sut il cup da veider“ (lev)
Capetel 10 (pg. 87 - 97):	Plaids „Sut il cup da veider“ (grev)

Link pils exerchezis digitals

<https://LearningApps.org/watch?v=p9k5vbkxk17>



IN SCHABETG NUNSPITGAU (pg. 7-17)

A.) Legia l'entschatta dalla historia entochen pg. 10 ...dorma vinavon ruasseivlamein!

B.) Tgei endrieschas ti? Tgei personas vesas ti? Resumescha cuort e bein!

C.) Fagei 2 gruppas, reparti las rollas e treni da leger! Suenten haver exercitau, registreis vus vies text! Giughei cun las vuschs!

dunna Lucia, dunna Anna, Scrotti (il tgaun), raquintader, il vampir

D.) Cu omisduas gruppas han registrau lur part, tedlein nus comunablamein.

Bien divertiment! ☺



PART 1

Enaquella splunta ei vid igl esch.

Igl ei dunna Anna. Davos ella suonda Scrotti, siu foxterrier.

Dunna Anna beneventa sia vischina: „Buna sera, dunna Lucia. Bi che Vus essas da retuorn. Co ei la cura stada? Ha ella pudiu gidar?“

Scrotti aulza il nas e fufrogna. El seschlueta denter las combas da dunna Anna, tila en la cua ed entscheiva a tglar.

Dunna Lucia balbegia: „La cura? Tgei cura? Ah, la cura...“

Scrotti uorla mordio, aschia che dunna Anna gnanc capescha la risposta. Ella sesgoba, carsina siu tgaun e di: *„Scrotti-buzzi, pertgei fas era schi tup? Quei ei la dunna Lucia. Ella che schenghegia adina la bun'ossa a ti. Ti enconuschas bein la dunna Lucia, Scrotti!“*

Mo Scrotti tgula aunc pli dad ault. Dunna Anna sevilenta e lai siglir la chicra: *„Quescha, ti stoda!“*

Mo quei ha buc igl effect giavischau, aschia ch'ella aulza il maun e smanatscha. *„Tup tgaun! Ti survegns prest...“*

Dunna Lucia replica: *„Na!“ Buca dar fridas! Scrotti ei buc tups. Il Scrotti ei schizun in tgaun zun perderts.“*

Ella va viers la sutga.

„Mirei cheu, dunna Anna!“

Dunna Lucia muossa il stratsch.

Dunna Anna dat in griu.

Scrotti sgara sc'in desperau vid igl esch dalla habitaziun. El tgula, giappa e plira.

„Per l'amur da Diu e tut ils sogns...“, grescha dunna Anna.

Dunna Lucia interrompa ella grend: *„Mettei giuado il tgaun! Schiglioc disturba el l'entira casa cun quei fraccass!“*

Dunna Anna siara Scrotti en sia habitaziun. Silsunter retuorna ella e semetta cun bratscha cruschada avon igl esch. *„Quei ei gie in vampir!“,* excloma ella.

„Exact, quei hai jeu era tertgau!“

„E tgei lein nus pigliar a mauns cun el?“

„Quei sai jeu era aunc buc propi!, schema dunna Lucia.

Il pign vampir tschetscha vid siu polisch.



Dunna Anna sescola. „*Vegni, lein better el ella tualetta e schar ir l'aua!*“ Ella vul tschappar il stratsch. Mo dunna Lucia impedescha ella. „*Na segir buc! El ei aunc aschi pigns.*“

Dunna Anna examinescha sia vischina da sum toccadem. Lu scrola ella il tgau. „*Lu bettei il vampir el rumien, sche vus vuleis buc better el dalla tualetta giu. Festginei, il camiun da rumians vegn gleiti ed jeu bettess buc el en in container vit. Ins sa mai. Forsa reiva el puspei neuado.*“

„*Na*“, insista dunna Lucia. „*Quei fuss buc endretg. Tgei s'empo in vampir ch'el ei in vampir? Jeu hai era pigliau tema gl'emprem mument. Mo contemplein inaga ses mauns pignets.*“



PART 2

Dunna Anna vul ni veser ils mauns pigns ni schiglioc enzatgei. „*Jeu supplicheschel Vus, dunna Lucia! In vampir en nossa casa? Gnanc da patertgar. S’imaginei: Vus durmis ed el vegn e tschetscha Vies saung – tochen il pli davos daguot. Cura che Vus sedestadeis, essas Vus gia daditg morta!*“ Pli fetg che dunna Anna emprova da perschuader ella e pli decidida che dunna Lucia ei da spindrar il vampir. Ella vul ni better il vampir pign el rumien ni ella tualetta. Ella deplorascha ch’ella ha insumma detg enzatgei, e sedamonda co ella pudessi spedir ord habitaziun la vischina marvegliusa.

„*Jeu fetsch quei per Vus*“, fa dunna Anna amogna. „*Ilis falians stoi era jeu adina allontanar, per quei ch’els fan talmein disgust a miu um. Vus saveis buc responsar quei. Sche Vus fageis buc quitaus per Vusezza, lu silmeins per ils auters fittadins! Plinavon essas Vus gie aschi beinvesida cheu en casa. Nus stessen tuts mal per Vus. Ed ils tschupials per sin fossa ein carischia pil mument.*“

Dunna Lucia dat in’egliada sil pign vampir. El fa ghegnas duront ch’el dorma. Ins ha bunamein l’impressiun ch’el rigi.

„*Vus stueis perstgisar mei, dunna Anna*“, di ella. „*Jeu sun empau stauncla dil viadi. Il miedi ha detg ch’jeu stoppi dispert ruassar cura ch’jeu seigi stauncla.*“

Scurlond il tgau, va dunna Anna per siu fatg.

Ella ei perschuadida che dunna Lucia seigi buca pli diltut tschien. Ella va per Scrotti, che plira aunc adina, e va a spass cun el. Dunna Anna sedecida da scalinar tier l’altra vischina, la dunna Mengia.

Daferton ha dunna Lucia fatg in plan.

Ella ei dil meini ch’il vampir seigi aunc aschi pigns e ch’el sappi buc s’imagnar co saung gusti. „*Sch’jeu tilel si el cun latg, survegn el gnanc gust*“, tratga ella. „*Mia tatta scheva adina: Sco ins trai, han ins.*“

Dunna Lucia cuarcla il vampir pign cun in fazalet, va giuado e cumpra ina butteglia latg. Silsunter cumpra ella in guoter ella stizun da termagls.

Arrivada a casa scaulda ella il latg, mischeida quel cun zucher e derscha il latg el guoter.

Il pign vampir ei gest sedestadaus. El stila empau sia bucca gita. El tgula da quei bufatg.

Dunna Lucia aulza el cun grond quitaus en siu maun seniester. Cul dretg metta ella il tschetsch dil guoter en bucca al vampir.



Il vampiret laguota e ri e laguota e ri. Suenter mintga laguttida dat el cun sias combettas
satellas e pelegnusas. Quei fa sguozias al maun da dunna Lucia.

Cura ch'il guoter ei vits, raupa il pign vampir. Allora fa el veschla sil maun da dunna Lucia
e dorma vinavon.

Ella studegia co ella savessi far in letg per siu hospet, pren lu sia cadeina d'argien ord la
scatla da fittem e tschenta il pign vampir silla vatta clarblaua.

Suenter cuarcla dunna Lucia el puspei cul fazalet e tschenta siu niev letg sil parsiel en
combra. Leu resplescha il sulegl e scaulda il dormulent.



SCAZI DA PLAIDS (IN SCHABETG NUNSPITGAU)

la giugadira

(las giugadiras)

(selamentar) / lamentar

il stratsch

la valischa

la teila falien

il suadetsch

il fazalet

interrumper

examinar

deplorar

il fittadin

il dormulent




NI PAUS NI RUAUS (PG. 18- 24)

A.) Legia il 2. capitel „NI PAUS NI RUAUS“.

B.) Fai cartas cun cavazzins ed exercitescha da raquintar silsuenter libramein quei che ti has legiu!

C.) Malegia sin in A5, co ti s'imagineschas ch'il vampir vesa ora!
Silsuenter fagein nus in'exposiziun culs maletgs.

D.) Has ti in animal da casa? Ni has ti giu in el vargau?
Sche na, ha in vischin ni parents guess in animal che ti sas presentar cun maletgs e raquintar cuort e bein zatgei dad el.





SCAZI DA PLAIDS (NI PAUS NI RUAUS)

refusar

calmar (secalmar)

spattergnar

il zappetsch

zappitschar

aschuntar

intervegnir

il parsiel

la remarca

oreifer

metter

respirar

liquidar

il tgulem

deplorar

perstgisar

cattar



il foxterrier

definir

il sinzur (dar sinzur)

dumignar

propo (apropos)

la rubaglia

enaquella

gliez

alterar (s'alterar)

identificar

corrispunder

sincerar

fuffergnar

balbegiar

schemer

il frunt

muentar



SGULAR ED AUTERS ARTS (PG. 25- 35)

- A.) La scolasta prelegia. Empleina las largias gestamein!
- B.) Suttastreha tut ils substantivs cun color brina!
- C.) Suttastreha tut ils adjectivs cun color melna!
- D.) Suttastreha tut ils verbs cun color blaua e scriva quels cheu sut egl infinitiv!
- E.) Nus currigin!
- F.) *Lavur da gruppa:*
 - Legi comunablamein il capetel „SGULAR ED AUTERS ARTS“!

Verbs egl infinitiv:

_____	_____
_____	_____
_____	_____
_____	_____
_____	_____
_____	_____
_____	_____
_____	_____
_____	_____
_____	_____

Il vampir crescha _____ .



Suenter in'jamna fuva _____ memia pintga per el.

Suenter duas ulteriuras fuva era _____ memia pintga. Dunna

Lucia ha fatg caltschiel _____ da launa ed ha

_____ in letg pil vampir en siu canaster da fil. Duront beiber tegn el

uss sez siu _____.

El fa diever _____ che dunna Lucia ha

pinau per el en bogn.

Cura _____ discuora cul vampir tegn el il tgau _____. El teidla.

Mintgaton _____ el levet e quei tuna sco sch'el rispundess.

Dunna Lucia _____ uss adina envidau il radio.

→ Daco va il radio adina?





Nus fagein ina sosa da tomata...



500 g	tomatas pintgas
2 tsch. grond	ieli d'olivas
2	cons d'agl
1/2	tschaguola cotschna
5 fegls	basilicum
2 tsch. pigns	zucher
1 tsch. grond	tomata ord la tuba
	sal
40 ml	groma

PREPARAZIUN

Lavar las tomatas, tagliar empermiez ellas e metter en ina scadiala.

Tagliar fin igl agl e stiarner sur las tomatas.

Aschuntar in tschadun grond ieli d'olivas. Metter quei 4 minutas sin 750 W el microundas e silsunter metter tut en in mixer. Sch`in microundas ei buc avon maun, san ins era scaldar en ina cazzetta e silsunter metter en in mixer.

Tagliar fin las tschaguolas e silsunter barsar las tschaguolas cun in tschadun grond ieli d'olivas entochen che las tschaguolas survegnan lev color.

Silsunter mett`ins quellas tschaguolas barsadas ensemen cun la feglia da basilicum, il zucher, la tomatata ord la tuba e la groma ensemen cullas tomatas dall`entschatta el mixer e purescha tut, entochen ch`igl ei ina sosa fina. Ussa cungesch`ins la sosa.

Alla fin mett`ins quella sosa en ina cazzetta e scaulda ella. Adatg da buca schar barschar!



IL VAMPERLIN EI SIN VIADI (PG. 36- 41)

A.) La scolasta prelegia il capetel 4. Teidla bein!

B.) La classa vegn partida en 2 gruppas.

Discussiunei en la gruppa las suandontas construcziuns/ damondas e nudei tier mintga punct entgins cavazzins da vossa discussiun!

a.) Tgei patertgeis cu vus udis/ legis il text da quella canzun?

**„Pi-pa-pups,
Il Paul, lez ei tups.
Pi-po-pups,
Il Paul ei aunc pli tups.
Il Paul ei il pli tup,
Pli tups ch`in pup.
Pi-pa-pos,
Il Paul, lez ei curios.
Pi-pu-pos,
Il Paul ei in curios.
Il Paul ei`l pli curios.
Pli curios ch`in coss.**

b.) Essas vus inagada vegni ris ora? Tgei sentiment ei quei?

c.) Haveis vus zacu ris ora zatgi? En tgei situaziun? Tgei sentiment ei quei?

d.) Co descrivis vus il character dil Vamperlin?

C.) Runda da classa finala.



PRIGHEL (pg. 42- 52)

A.) La scolasta prelegia il capitel 5. Teidla bein!

B.) Risponda allas damondas cun ina construcziun entira!

Cu ti has finiu, dai il pensum alla scolasta!

Tgei scenas han liug mintga damaun avon casa? Declara cuort e bein!

Tgei ha il Vamperlin rut e co tracta dunna Lucia sia ruttadira?

Malegia ina skizza e descriva quella!



Tgei rolla gioga il Vamperlin leutier?

Cu sedurmenta il Vamperlin mintgamai?

In bi suentermiezdi observa dunna Lucia ord finiastra zatgei dubius? Tgei?

Constatan las construcziuns? Sche gie, fai in crutsch, sche na, fai ina crusch!

- a.) Il lader less aunc adina engular suenter la murdida dil Vamperlin.
- b.) Il lader va a far cumissiuns per la dunna.
- c.) Suenter far cumissiuns, va il lader danunder ch'el ei vegnius.
- d.) Cun ina clav falsa vegn il lader dad arver tut las siaras.
- e.) Il lader ei in um giuven.
- f.) La dunna ed il lader passentan schizun las proximas vacanzas da stad ensemen a Venezia.



SCAZI DA PLAIDS (PRIGHEL)

www.vocabularisursilvan.ch

intervegnir

eingreifen

la piztgada

der Stich

il tibem

das Gehupe

bloccar

sperren, blockieren

la cunscienza

das Gewissen

il perspectiv

der Feldstecher

perplex

verlegen

la ruttadira

der Bruch

la gondola

die Gondel

.....

.....

.....

.....



TE DA CAMÉLLA E LIUNGURIALA (PG. 53- 58)

A.) Il Vamperlin ei malsauns. Co gida dunna Lucia il Vamperlin? Noda en fuorma da cavazzins!

B.) Ti eis segiramein era gia staus/ stada inagada malsauns/a?!
Co eis ti sesentius/sesentida?



C.) Tgei has ti fatg per sincerar che ti serevegnies?



SCAZI DA PLAIDS (TE DA CAMÉLLA E LIUNGURIALA)

A.) Tgei muntan ils suandonts plaid?

calmar _____

agitar _____

pliront / plirar _____

lumiar _____

il perpendechel _____

svegliar _____

giappar _____

recitar _____

procurar _____

B.) Noda sis ulteriurs plaid che ti has empriu en quei capetel! Tgei muntan els?

..... _____

..... _____

..... _____

..... _____

..... _____

..... _____



IR CUN VELO EI SCUMANDAU (PG. 59- 63)

A.) Endretg ni falliu? Fai ina crusch tier las construcziuns ch`ein gestas!

	<u>endretg</u>	<u>falliu</u>
1. La sonda era in di frestg cun bia vent.	<input type="checkbox"/>	<input type="checkbox"/>
2. Dunna Lucia tschenta il vampir en sia tastga.	<input type="checkbox"/>	<input type="checkbox"/>
3. Il Vamperlin stat tut ruasseivels e schai sil schigentamauns ella tastga.	<input type="checkbox"/>	<input type="checkbox"/>
4. Damai ch`il Vamperlin vesa nuot, taglia dunna Lucia senz`auter ina ruosna en sia tastga.	<input type="checkbox"/>	<input type="checkbox"/>
5. Els passentan in bi di alla piazza da giug.	<input type="checkbox"/>	<input type="checkbox"/>
6. Treis affons vegnan neutier sin lur velos e fan slalom, van el rudi e fan ina cuorsa dad ir plaun.	<input type="checkbox"/>	<input type="checkbox"/>
7. Gest en quei mument s`avischina il pedel e supplichescha ils affons: „Fagei aschi bien e mei zanu`auter cun velo!“	<input type="checkbox"/>	<input type="checkbox"/>
8. Sin ina gronda tabla stat scret ‚Scumandau dad ir cun velo‘.	<input type="checkbox"/>	<input type="checkbox"/>
9. Percletg reagescha il Vamperlin e sebetta sil venter dil pedel.	<input type="checkbox"/>	<input type="checkbox"/>
10. Dalla tema che dunna Lucia ha giu per siu Vamperlin ha ella survegniu cavels grischs.	<input type="checkbox"/>	<input type="checkbox"/>

B.) Era ti has segir gia viu tablas da scamond. Enconuschas ti quellas tablas cheusut? Tgei muntan ellas?



.....



.....



.....



C.) Dessegna tez ina tabla da scamond che savess esser sper via, sin plaz da scola ni era en scola! Co vesess quella ora?





SCAZI DA PLAIDS (IR CUN VELO EI SCUMANDAU)

A.) Tgei muntan ils suandonts plaids? Drova sinonims! Tals anflas ti el vocabulari.

Ti astgas era scriver la muntada per tudestg.

B.) Scriva tier mintga plaid ina construcziun a moda correcta cun far diever dil plaid!

constatar

contemplar

la cudria

gesticular

impertinent

sbrigar

esser perplex

las pulaccas

tschugalar


festginar



EMPAU EI EMPAU (pg. 64- 73)

A.) Resumei il capetel „Empau ei empau“ sco suonda:

- ❖ Fagei gruppas da quater!
- ❖ Parti en in feagl alv A3 sco la skizza muossa!



- ❖ Mintgin scriva en 3 minutas tut quei ch`el sa en fuorma da cavazzins. ★
Discuorer in cun l`auter ei buca lubiu!
- ❖ Cumparegliei vos cavazzins ella gruppa! Nudei ils pli impurtonts el quader enamiez!★
- ❖ Presentei vos cavazzins el rudi dalla classa!

B.) Lavur singula.

Rispunda allas damondas sutvart cun ni senza agid dil cudisch!

a.) Tgei fa il Vamperlin, sche dunna Lucia sevila cun el?

b.) Tgei traffican ils affons tut en scola?

c.) Tgei proposta fa il scolast suenter ch`il Vamperlin ha miers el?



- d.) Ella siarp da bustabs dat ei differents plaids ord il capetel „Empau ei empau“.
Anflas ti ils 10 plaids? Scriva tals correctamein sin las lingias!

*iuolppitgivsdfkfogjklcintervegniirlaslckpiculezzalckdfjfkasazappitscharlsoodcereussirvldls
scurteseivladadlsslssdghzaileiflisellaueopdlcantinasnmciloglognepourmslcruschadaio*

1 _____	2 _____
3 _____	4 _____
5 _____	6 _____
7 _____	8 _____
9 _____	10 _____

- e.) Damonda tes scolars schebein els enconuschan la muntada dils plaids! Scriva la muntada sin las lingias! Ils plaids che tes conscolars enconuschan buc enquera el vocabulari!

1 _____	2 _____
3 _____	4 _____
5 _____	6 _____
7 _____	8 _____
9 _____	10 _____


- f.) Legia aunc ina gada quella construcziun! Tgei manegias ti da quei? Discutei en classa!

DUNNAS SAN BUCA IR CUN AUTO (PG. 68)!



INA GREVA DECISIUN (PG. 74- 86)

A.) Malegia co dunna Lucia ed il Vamperlin sepreparan per ir el parc!



B.) Ti sas gia che dunna Lucia conta bugen en fuorma da versets e rema. Nua has ti viu talas canzuns e tals versets? Noda las paginas!

C.) Legia aunc inagada ils versets! Discuora cun in partenari, tgeinin che plai a ti il meglier!
Daco gest quel?

D.) Eis ti era in poet? Scriva in verset che va a prau cul capetel „Ina greva decisiun“!
Exercitescha e presenta la finfinala tiu verset alla classa!

MIU VERSET DIL VAMPERLIN



SUT IL CUP DA VEIDER (pg. 87- 97)

A.) Tgei plaids van a prau cun la situaziun dil Vamperlin sut il cup da veider? Fai in rudi entuorn plaids che van a prau e streha plaids che van buca a prau!

perschun

libertad

fortuna

persuladad



larmas

gretta

agid

tema

B.) Co va ei cul Vamperlin en spital? Enquera tons adjectivs sco pusseivel che descrivan co el sesenta!

IL VAMPERLIN EN SPITAL





SCAZI DA PLAIDS (SUT IL CUP DA VEIDER)

- A.) Tgei muntan ils suandonts plaids? Drova sinonims! Tals anflas ti el vocabulari. Ti astgas era scriver la muntada per tudestg.
- B.) Scriva tier mintga plaid ina construcziun cun far diever da tala a moda correcta!
- C.) Colurescha: adjectiv (mellen), verb (blau), substantivs (brin), particlas (verd)!

il veider

nuninterruttamein

agitau

curteseivel

prescriver

la schientscha

intervegnir

moribund

il pir

culpont



CAPETEL FINAL (PG. 98- 105)

A.) Co finescha la historia? Resumescha cuort e bein cun agens plaidis tgei ch`ei capitau!

B.) Co vai vinavon?

Tgei manegias che schabegi ferton che dunna Lucia ed il Vamperlin van alla tscherca d`auters Vamperlins?

Scriva in`atgna finiziun cheusut ni en tiu carnet!



TGI EI LA SCRIBENTA DA QUEI CUDISCH?

*Enquera ella reit ina fotografia dalla scribenta
e tacca ella cheu.*

Ella ha num Renate Welsh ed ei naschida ils 22 da december 1937 a Vienna. Leu viva ella aunc oz. Renate lavura sco libra scribenta. Ella ha entschiet 1968 a scriver cudischs d'affons e da giuvenils. Per sia lavur ha ella gia obteniu differents premis. 1980 ha ella per exempel survegniu il premi tudestg da litteratura per il cudisch „Johanna“.

TGEI EI IL FÈL?


Fai atgnas retschercas ella reit! Tgei endrieschas ti? Presenta tes resultats alla classa!

???



LA CANZUN DIL VAMPERLIN

Gie, aschia in vampir, ei buc in schani malsegir.
Zun sch`el senta gia da pign, ch`ins bugen ha il vischin.





GIUG DA REPETIZIUN



<p>Nua anfla dunna Lucia il Vamperlin?</p> <p><i>En ina teila falien.</i></p> <p>?</p>	<p>Tgei fa dunna Lucia bugen duront schubergiar?</p> <p><i>Ella conta bugen.</i></p> <p>?</p>	<p>Co senumnan las duas vischinas?</p> <p><i>Dunna Anna e dunna Mengia.</i></p> <p>?</p>
<p>Tgi ei Scrotti?</p> <p><i>Scrotti ei il tgaun da dunna Anna.</i></p> <p>?</p>	<p>Co senumnan il buob che habitescha speras.</p> <p><i>Gionin.</i></p> <p>?</p>	<p>Tgei ha dunna Lucia buca bugen sil latg?</p> <p><i>La pelletscha.</i></p> <p>?</p>
<p>Con veglia ei dunna Lucia?</p> <p><i>Ella ha 67 onns.</i></p> <p>?</p>	<p>Cun tgei nutrescha dunna Lucia il Vamperlin?</p> <p><i>Cun latg.</i></p> <p>?</p>	<p>Ord tgei organ tschetscha il Vamperlin il tissi?</p> <p><i>Ord il fèl.</i></p> <p>?</p>
<p>A tgi vul il Vamperlin tschitschar ora il tissi cura ch`el rumpa l`ala?</p> <p><i>Al lader.</i></p> <p>?</p>	<p>Cun tgei ferma dunna Lucia l`ala rutta dil Vamperlin?</p> <p><i>Cun in cavadents.</i></p> <p>?</p>	<p>Daco duess la dunna en fabrica piarder la piazza?</p> <p><i>Ella ei en cunauras.</i></p> <p>?</p>



<p>Co senumna il professor?</p> <p><i>Professer Obermeier</i></p> <p>?</p>	<p>Tgei schabegia cul Vamperlin en spital?</p> <p><i>El vegn pli e pli pigns.</i></p> <p>?</p>	<p>Nua ei dunna Lucia stada duront treis jamnas?</p> <p><i>En ina cura.</i></p> <p>?</p>
<p>Pervia da tgei sescognan igl um e la dunna?</p> <p><i>Pervia dalla botta egl auto.</i></p> <p>?</p>	<p>Ti astgas far 3 pass</p> <p></p> <p>anavon!</p>	<p>Betta il quadrel!</p> <p></p>
<p>Ti has sescagnau duront il giug. Va 2 pass anavos!</p> <p>!</p>	<p>Ti has cuglienau duront il giug. Va 2 pass anavos!</p> <p>!</p>	<p>Ti has gidau in conscolar da far ils pensums. Betta in`ulteriura gada il quadrel!</p> <p>!</p>
<p>Emprova da far grimassas. Sche ti vegnas da far rir tes conscolars astgas ti ir 2 pass anavon.</p> <p>!</p>	<p>Sas ti mussar a tes conscolars nua ch`il fèl sesanfla? Sche gie, betta aunc inaga il quadrel!</p> <p>!</p>	<p>Ti has cuglienau duront il giug. Va 2 pass anavos!</p> <p>!</p>



**IL VAMPERLIN LEGIA CUN TEI
DUNNA LUCIA LEGIA CUN TEI**

Colurescha e taglia ora ina dallas duas figuras! Tacca silsuenter la part davos sin la part davon! La figura sas ti metter en tiu cudisch che ti sappies adina sin tgei pagina che ti eis.



